

壹

齋

集

壹齋集卷十二

當塗 黃鉞 左田

古今體詩五十八首

丁巳六月至七月

雷斧

風伯雲師鍊偶存般門誰遣弄雷門
廣寒未許吳剛借劈正曾臨
赤帝尊傳玩有時兒失箸指揮當日雨翻盆
而今斫壞渾無用流落人閒尙玉溫

過夏生

承恩

城南書舍

書舍城南一畝寬繡球花老出檐端
我來惜過春三月不見玲瓏玉萬圓

雜興

何處蜂窠曉放衙羣飛如雨鬧檐牙
可知園館飛英盡來采冬

青瑣細花

檻花明豔黃居案砌篠娟妍管仲姬畫本眼前人不識枉調膠粉事多師

黃茅蓋屋兩三家水濶濠深不用車閒卻健兒好身手沿城十

里種荷花

花皆營卒所種

風前雨後獨憑欄最愛牆陰竹數竿枝網蛛絲蟲篆葉青青能得幾回看

世閒豈少拖腸鼠月裏甯無竊藥娥上界仙人渾不解只緣讀得道書多

親調鸞鶴降諸真共說麻姑技獨神擲米成珠才幾粒也將狡僧賺天人

神仙吐納本清華墮落多由一念差休詫握苗何太急近來焦

穀尙生芽

移榻

移榻當階坐披衣受晚涼
瓶花凋日及檐竹度宵行
聽雨懷鄉劇緘書倩客將
相看飛鳥倦眠不待三商

山齋聽雨借東坡洗足關門聽雨眠句成三絕句

洗足關門聽雨眠三杯老酒已陶然
笑儂句當成何事寬句鈔書過一天

焚香掃地攤書坐洗足關門聽雨眠
但願山田秧有水不愁茅屋爨無煙

嬾向槐根尋富貴不將服食擬神仙
先生只要清涼寢洗足關門聽雨眠

茶船三十韻

尊彝古有舟杯落方言註茶船近始出野艇形畧賦濫觴起何
人沿緣效若鷺刳中三雅承飾外五采具薄削秋瓜皮輕脫春
花跗執無濯熱煩持免滿溢懼盧椀見未曾蔡錄缺誰附空中
木爲俞短而濠曰觴名從博士呼舳令共鼓妒清談客對方雜
坐僮競渡鬥勝藏壑源掇奇泛雲霧屏曲招招來花密攖攖滂
醉並羽觴飛蕩鄙鞦杯汗有時罌沼橫小泊研山住湘簾綠送
波禪榻煙徐度水厄避王濛火活待陸羽一杯浪微生三沸湯
初注校量客坐陳甲乙我目遇一器制雖微四方工所聚燒篋
豫章良髹皮黝獨固黦歛螺漆填楚粵銅錫鑄活剝瑋瑁爲巧
琢琳瑯作剡木復編藤水蝕而蟲蛀棄置剩都監玩弄到童孺
山齋六月涼駛雨三更澍虛檐支竹爐澣甌浥荷露拍浮謝舫
船縱浪入茶務沈溺奉昔箴游戲成短句不獨酒醉人善謔亦

妙諭翹首望松蘿歸舟及時雇

六月四日曉雨偶成

掃地開門攪客眠起來窗竹綠如煙不圖清簟疏簾日重過黃
梅細雨天千里寄書修我屋六時枯坐學僧禪叵堪九夏偏逢
閨逆數歸期日似年

剝啄從他客去嗔吾言於子不當聞安心畧隱烏皮几繞鬢偏
來豹腳蚊檐溜注階清滑笏厨煙穿瓦白流雲閒中卻有忙功
課禦溼鞠窮著意焚

新竹傷於蟲枝葉衰其大半詩以悼之

窗前茁新篁我曾一再賦枝柯無點瑕滄瀆綠如霧不知始何
時倏爾生二蠹其一爲毛載葉底藏身固篆蝕白如紙膠附尙
不恕其一爲膩蟲密搜枝頭布瑣細魚卵如仿佛恆沙數滋蔓

本難圖手足無所措披枝恐傷根歎息不忍顧檐雀見嬾啄啄
亦足難駐腥但引蒼蠅洗不怕甘澍眼看蠶食盡惜未蠲氏遇
去膩尙有方治魚水頻注不然久自飛去與蚊蚋聚惟載最凶
毒痒肌不敢捕因思蠶畏苦多買竹根炷又聞桐子油其痒可
殺蛀熏之兩無驗蠕動尙如故虛糜杖頭錢枉被眾口誤徬徨
正無策竈下養忽怒揮刀芟其繁一一使透露初猶惡其鱗徐
察理忽悟多由葉混淆致令二蟲據姑息誠養好決勝在旦暮
斷指而免頭不得已而去清風頓蕭疏任飛度懿茲少許
佳還我瀟湘趣更須大雨來一洗涎所汙

寄題茶葉嶺雲液庵

篋槽溪邊拓一龕山僧衣袂滿雪嵐年年穀雨初晴日自摘新
茶對佛參

六月八日繞城觀荷花歸而書此

曉風吹我鄉癡同檐鵲爲語荷花開披衣盥漱出北郭沿緣直
往城南來翠遠十頃捲綠浪花如白鷗漫浩蕩但有清陰碧樹
垂絕無水榭風亭傷我爲荷花一往還滌除塵霧胸懷寬數枝
拗得膽瓶插聊作崇仙院外看陶塘荷花以崇仙院門外爲勝

觀善堂玩月

苔葉綠逾闕榴花紅過牆一江鄉信隔六月客窗涼寢斷青綾
被詩添古錦囊山房好明月那不憶陶塘
地潔行人少庭虛受月多烟低近窗竹香度隔城荷不飲樽空
綠捐愁鬢已皤遙憐小家樂兒女踏街歌

林厯山漢銅鏃歌

胡君贈我古銅鏃云昔得自黟縣林厯山吳將賀齊討陳僕用

以血此熊羆殷紅泉瀉雨山腹裂老僧拾得一二來松關滿身
瓜皮綠血點朱砂斑鏃銳橄欖核鋌斷鼠尾殘按之爾雅考工
記恰類骨髀非若金錐寒三刃歷年久鋒在摸稜閒當時羣寇
山顛蟠自下上上攻之難長槍大戟戰非利惟有萬矢仰射可
以陵嶺屹那知餘勇漫入石藏之千載留與僧俗相傳觀一鏃
乃至微斷非出欺謾卻笑今人骨董但耳鑒雷同古鼎雙魚盤
銷鐸古鏡鑄偽器塗抹青綠如痂癥沈檀彫几煥室供宋錦作
墊涼堂安旁觀有人笑捧腹是出我手親鑿刊何如此鏃不用
一錢買坐獲季漢貞金看但恐兒童錯認錐不利貫之杖足扶
以登險艱吾家赭山圯塔亦有赤烏二年饒幾時儷爾一話孫
吳還

題楊

畫

統字前民
六安人

書傳山谷州書法畫在梅清伯仲閒要識此君不凡處挑燈乘
醉寫秋山

唐子畏吳閶圖

千船狎恰聞門橋艫前舳後紛喧竊欲進不進出不出飛聞張
蓋來官艘東裝花竹西甕盎頭撐肩撐不得上渠僂跳蕩誰復
聞擁騶彼自前頭唱闐門橋洞高於城一人抗肩橋洞撐熙熙
攘攘不相管橋上人方萬蟻行舳聲嘔啞復咿軋稍遠河流聞
汎汎綠波翻動作魚腥兩岸停舟猶七八別有長虹字萬年赤
欄高並行人肩扛輿走馬出復漫酒旆魚標斷若連糧船罷運
閒且艤花犬驚人吠不止相看白日青山銜輪與紅妝舵樓倚
風吹旗脚飛檣烏我昔六度聽吳歛玩久那知是圖畫身在蓬
窗與客話

金谿庵爲雪眉作

茅庵間說足幽棲繞屋琅玕萬挺齊與子何時編竹筏臥吹石

笛到金谿

石笛谿西
遞所產

唐子畏渡海羅漢畫稿

羅漢巢天台冲舉捷猿鳥海水才一杯徑渡可自了緣何具神通種種矜慧巧示現香象馴攝伏乖龍擾坐誦虎頂經行禪花出襍七寶裝蓋幢六賊襍牽繞憂愁若胡孫枯癯類邨媪誕登神飛揚未濟波浩渺鱗能鬣以飛獸或翼而爪最後有二僧幻矣更絕倒巨鼈不戴山呿口儼窮島跣趺擁經坐旁挾一稚小卓錫高拄簪似亦畏其齧抱虎可忘機剖瓜除熱惱奈何恐怖心尙爾未盡勦六如居士身佛理素精曉偶銷鵠紋綾創此天龍稿九朽才一罷已自整且好但惜美人面粉白未盡澡

第二
羅漢

衣袖中有美人面蓋取敗素爲之也將毋摩登伽不爾亦梵嫂胡爲衣被中著一
天花莢色界頗未離唐生太狂狡何時正本并合藝旃檀寶

夏日湖上雜憶

芳艸緣隄五里長亂蟬聲裏送斜陽垂楊垂柳陰如幄不隔荷
花種種香

小閣疏櫺面面開湖波澹蕩復潏洄生憎泗水邨童劣時作耕
牛浮鼻來

自支竹繖欸柴荆難得湖山雨後晴卻費主人供菜把梅花樹
下摘蔓菁謂馬干之

占斷山房忘主賓筆牀茶竈鎮相親先生起避敲門急卻是尋
常索畫人

綠鏡無風柳不搖樓臺倒景鑒秋毫游魚也覺人間樂裂水時

跳數尺高

紅藕花中螢火飛綠楊枝上月當扉葛衫蕉扇輕無汗不用籃
興步砌歸

不惜千金購畫圖襄陽真蹟已模糊農家自有雲山稿浣筆憑
欄帶雨摹

蚺螭時邀山衲議甘蕉不怕竹君彈何須一服清涼散自有人
閒快活丸

一無所得畫書詩三不如人曲酒棋只合此閒鋪枕簟臥看山
水避炎曦

山茨水檻吟哦徧竹月荷風記憶多乞取漁師名也稱今年雙
鬢已全皤

陳章侯戲嬰圖

一兒手把荷蕢拳足跳盪爲前驅口呿不合聞歡呼一兒曳杖拖長裾頭戴面具面有須身頭各半行難趨似呼前者姑徐徐後追一兒無所娛不韞不袴冰雪膚才逃乳下須人扶稍蹣蹣之當呱呱何物老嫗生三雛夔玩奚減明月珠天真爛漫天爲徒無樂無辱無賢愚倦便欲睡飢則哺稍長卽令親詩書憂患乃與婚宦俱不知識字胡爲乎人生此難餘可圖我曾愁叫如兒如可憐霜雪盈頭顱四十八年成老夫

喜雨

雷鼓不停槌癡龍忽驚臥黑雲山嶽頽雨點杯盂大但令田禾蘇那惜窗紙破嗟予無田農微生仰春磨四體旣不勤八口又難餓念此豈甘霖直是天倉墮一點一粒如清風爲揚簸遙想萬山中婦子起相賀

趙文敏臨李唐晉文春秋圖

有引

圖藏六安鄧孝康

成

家紙本水墨畫高一尺長三丈有

奇卷尾文敏自題詩云隍杌居蒲日艱難奔狄時天方
興霸者數子實從之歲久丹青遇人賢簡冊悲至今綿
上路猶憶介之推明永樂括蒼祝廷心跋謂公此圖有
黍離之悲觀公詩可見仇山邨題亦云霸業有歸天意
在孤臣掩卷重嗟咨益信祝言不謬前後押縫皆馮開
之祭酒印按圖爲李唐本名晉文公復國一名晉公子
奔狄文休承嚴氏書畫記又謂之晉文春秋雲煙過眼
錄云喬達之藏其上卷欠下卷此正喬所藏上卷也清
河書畫舫云松雪有詩卽今卷尾所題第遇作暗爲異
耳

重耳居蒲日天心啓晉基安危賴狐偃宛轉避驪姬歷國民陵
稔勤王霸業垂讀書頻想像掩卷見須眉誰遣王孫筆來傳公
子奇直從奔狄後寫到納秦時偃蹇雙旌導倉皇六騎馳渭濱
船待渡宋殿馬初遺稽首承天賜周旋報楚施醉謀方野適醒
逐笑戈遲秦穆歡歸女懷羸辱奉區畫之次弟如此幾如禽獸行猶騁
黍苗辭雜霸誠羞道橫圖且共披山川舊汾晉官室古茅茨馬
出曹韓上人兼顧陸姿平林何茂鬱遠水亦逶迤墨淡渲彌厚
皴圓簡益宜真龍今乃見鷹鼎彼何爲始信鷗波法多從晞古
師纍纍藏弄印恨恨自題詩不惜徇顛顛專憐失介推宋亾空
涕淚罪出枉嗟咨七事公誠絕瀕危國豈支銅駝休再泣莫遣
阿兄知謂子固

仇英明妃款塞圖

竟甯元年單于朝願言壻漢弋弓刀甯胡闕氏乃拜號郎中十
策言空勞茲圖歸國從如水鉦鼓謹聞旗旖旎賢王谷蠡爭後
先一人悲愁眾胡喜明妃低首駝曳車前頭胡女囊琵琶塵沙
盆湧數十騎兩囊它載呼韓邪璫廬高覆繡被擁身半畧如蠶
未蛹斯時欲借博浪椎奪取蛾眉入關隴誰令青冢艸離離畫
圖千載繫人思那知見嫉被讒出亦有降王伊秩訾

題文簫采鸞故事

日書十萬蠅頭楷仙蹟於今尙有存下界夫妻誰得似鷗波亭
主趙王孫

李英公療須圖

垂髻兩婢夾藥鑪公將雙手梳其須牀頭老姊若顧語一時意
態和以舒纒絰昔爲舊君服生噉故人一塊肉彼鬚鬚者更幾

何但要與姊數進粥公須爲姊燎未灰君王曾翦和藥來可憐
阿武禍機發公須公骨皆塵埃

題金葉山水墨蔬果八種

蕩

沆瀣玉漿凍合瓊瓏冰柱嵌空鄉味鄭塘最好不論新花白紅
鄉人謂初出
蕩爲新花

菱

殼如朱紅黍釀肉作秋海棠香可惜君謨未見只寫吳菱兩行
菱

雨晴葉如盤大日出花向東敷君莫笑蜩毛磔中自有蚌胎珠

芋

脫毛畧似蘆腹截肪正類肥羊不屑嬾殘牙慧頗愛仙人石香

蓮蓬

綠珠顚顚內孕紫葍房房倒懸收取敗蓬滌硯猶帶餘香入泉

鼻茨

味腴欲弟紫栗漿寒可子黃甘夜半酒醒人渴乞取痴兒二三

核桃

青膚著手欲爛玉瓢對面同皴自是中有傲骨不惜碎身求仁

薑

園客歲收一稜廚娘用足三時最愛新芽乍剝赭黃微暈燕支

涼意

昨宵雲翳月際曉雨迎秋涼意鴉先覺閒齋客尙留猩紅金鳳

落雪白玉簪抽卽目成孤賞微吟暫遣愁

鄧古球

山館

久識巴西富弄藏新秋握手快新涼碧雲滃瀟簷簷谷翠羽葳蕤薜荔牆到眼烟雲兒供養賞心彝鼎自評量黃金合鑄清臣帖先爲君家署艸堂

鄧藏顏魯公蔡明遠序真蹟鉞題其堂曰鑄顏

王蒙林泉勝集

款作篆書云香光居士王子蒙爲雪庵開士畫於黃鶴峯下

香光居士王子蒙樓谷飲黃鶴峯林泉勝集偶落筆樹石清潤烟嵐濃天風吹瀑明珠碎下有高僧與客對團蒲不用話無生詩卷終年在童背渴苔密點漁網皴樹陰山翠時撲人五百年來無此作風流直逼趙王孫

王蒙友鹿圖

款云至正十一年六月八日黃鶴山樵畫於湖山漁浦邨舍後有沈石田跋

雙鹿下飲幽澗深一人隔澗抱膝吟層巒疊嶂獻樹交翠兩忘人物無機心晝時至正元季世其年壽輝僭稱帝逐鹿中原得者誰淮泗真人起匡濟山樵避亂棲黃鶴飲石泉兮蔭松柏胡爲

走險入朝市友羣卻忘山中樂邀僧觀畫致足佳禍機那得從
中來似聞聲確潯浚處呦呦尙助松風哀

沈石田送行圖

並引

金以賓者石田祖姑孫館於沈十年茲圖其送別也圖
後有序其畧云金君以賓吾兄也以詩鳴於鄉先人致
諸塾爲黜弟應蟾應奎二姪師七年先人歿周又屈之
三年其誼如一日也又云子弟之承教也嚴不藉夏楚
變不至姑息諄諄懇懇務欲底成又云非特序夫離別
之私因併述金沈二姓之好之由俾兩家子孫知重而
毋忘也嗚呼石翁可謂賢主人矣金君亦不媿良師哉
故記而係之以詩

艸堂面南湖左右種楊柳渠水聲活東渺渺出湖口送者四五

人長隄肅拱手前行忽回頭拄杖立一窠似聞贈以言惜別召
某某歡欣隨二童精神頗抖擻肩擔復手攜行李襍尊酒扁舟
諒不遙尙欲爲窮子國爲成化庚載序而載圖若重惜其走愛
不至姑息嚴不加杖扣諄諄務底成如是十年久要使子孫知
德義重山斗我觀歎再三此道今烏有主人旣不誠師亦誰善
誘勤怠視束脩十嘗有八九否卽爲揚譽生徒若朋友推去嗟
又來唯唯而否否致使守錢奴放肆若雞狗是誰之過與先生
所自取我欲摹斯圖俾自鑒其醜更欲刻其文銘之於座右師
嚴道自尊毋爲習俗狃

玉簪花

澗葉逢秋碧新花逐日增洗經三寸雨抽出一條冰香稱雲鬢
膩珠添露顆凝欲簪還自笑髮短卻難勝

七月三日夜坐有花竹齋

露下三更靜風支七夕涼樹頭銀漢白牆角玉簪香客議留叢
桂情多戀宿桑臨歧歸忽嬾爲怯路途長

別六安諸生送者

朝曦射東關諸生肅冠帶送我十里餘離立三十輩握手話因
依脈脈不忍退我來僅三時能得幾晤對學殖久就荒何嘗有
教誨感茲情意深慚愧生慷慨黯然會之行諸君幸自愛離愁
萬斛來肩輿盡勝載

靈齋集卷十三

當塗 黃鉞 左田

古今體詩五十七首

丁巳七月
至除夕

六安舒城之間農家蓄鷺轉販固始歲以數千計過黃陂湖見鷺絲捕魚感賦此詩

鷺鷥不茹葷但齧湖邊草
豢之食有加糠覈稊麥稻時時浴清波
愛惜羽毛好於人絕無爭無故殺不了鷺絲最貪殘
匪魚不能飽春夏乳子時遺矢樹爲稿
以其肉腥臊不足佐蠹蟻遂使萬爲羣
得以天年老造物苦不平佛理因誰造
願移鷺絲心一視籠中鳥

木棉花

木棉若秋葵本高不及半功與桑麻均羞供園林
翫拾子趁朝

涼滿地白雲爛但須二頃田何用千斤炭

芝麻花

胡麻滑且香仙人以爲穀開花致亦佳深杯白如玉一枝結一包其子千百族石羊慎勿來不足果其腹

荇花

荇花黃如雲左右流湖壩初陽晃朝光蒼色彌新鮮豈不傍菱芡開落全其天欲倩馬和之圖入關雎篇

淡巴菰花

葉大吁可駭花紅亦可憐棄花取其葉曝之黃且薰南船溯福漳北車走幽燕惜哉花共葉化作塵與烟

蜀黍花

厥包兩頭纖中有百琲珠其顛如馬纓亦花而亦須山農稱旱

穀可以療饑驅第恨地力盡能使山無膚

過廬江感焦仲卿事作

子甚宜其妻父母不說去奈何焦仲卿以死殉厥婦阿蘭有小
姑阿母無稚孺不孝無後大小吏何足數萬古惟姜龐珍羞託
鄰嫗久之姑感慚呼還復如故仰事俯蓄聞詩也誠無負寄語
後來人勿爲詩人悞

泊青帘鎮

一簇白鷺隊幾叢紅蓼坡歸農投店早

桐城秋禾再成晚收較無爲幾遲一月鄉農每

于其隙百十爲羣趁無爲刈熟村落多爲逆旅以待其歸過時則否晚渡趁人多水縮沙留蹟風

微月皺波青帘殊不見如此夜良何

曉發無爲

曉起占旗脚東風又打頭五年尋故道三日滯行舟白露猶餘

暑黃雲幸有秋誰憐月如水終夜湧河流

丁巳十月十日先墓焚黃

跪捧金泥誥一通吞聲忍淚讀難終康強如在榮猶晚魚赦何堪祭不豐隔歲焚黃貧失禮今年掬白病成翁回頭卻願諸兒立欲學箕裘愧冶弓

客自烏江來得韓瓶二枚乃韓斬王背寇軍所負者誤稱爲淮陰侯物歌以示之

烏江水涸沙岸傾中有陶器如罍形里儒不識強解事云是淮陰侯酒瓶耶知韓岳曾置此用以名軍爲背寇黃天蕩裏功不成七百年來墮江水當年親隨勇絕奇一把雪執信字旗紅袍墮馬額自割想見英雄痛飲時一朝解柄家居後騎驢湖上仍攜酒卻將軍校換奚童往事悽然重回首摩挲几案焉用之商

量惟作膽瓶宜還愁百卉都難稱高插寒梅一兩枝

十一月九日子卿招飲湖亭爲消寒第一集

放浪閒身又一年溪山好處日周旋寒猶未峭交初九月已分明
過上弦盧橘花繁香太冽紅梅枝老影逾妍行吟卻笑天隨子
奄有吳松賦自憐

子卿見答次韻

擬租耘老屋三間竹榻蘆簾方便安靜挹溪光研墨坐遠延山
色枕書看梁鴻有爨甯因熱范叔無袍亦送寒領取當前意無
盡雙輪自昔似跳丸

果子狸

有獸維狸醜貪饕復善援一生耽果核抵死伏林園肥白真如
瓠膏臊怕近暄身猶呈玉面尾果掉烏犍憶昔黃山住宵聞碧

樹喧嘯聲暗稚子燭影走飛後歸路經新嶺門生拓舊軒殷勤
下徐榻魚炙薦陶盆味異新嘗指臙肥遠過豚爪牙殊不利刀
机亦何冤未賦徂公茅先縣君子貍然臍誠可戒自取悔何言
釋梅根執弟子禮問詩於鐵詩以示之

上人厯陽杜師雄之旁支所種梅尙活因號梅根師昨袖詩來
謁頗通文選辭師來眾香國請以梅喻詩梅初抽條時直上無
旁歧漸且發杈桎漸且披繁枝五年十年中千花萬花垂直榦
忽盤屈乃弄橫斜姿疏繁總及格妙比丹青施孰爲王元章孰
爲揚補之畫工與化工不辨誰所爲當其照晴昊亂插非炫奇
及至楊孤芳空裏香逾滋深山悄無言自露冰雪肌慎勿效盆
花束縛成支離慎勿爲唐花火迫供兒嬉不觀乃祖植古榦豐
山斂年年春二月始一吐晴曦蓋其積也厚其發乃爾遲我詩

不足學翫梅當自知漢魏泉三唐一一具於斯師乎苟參悟直
香生硯池

卽席偶成

卷簾赭山入坐落日紅霞滿窗靜聽水亭拍浪宛乘風船帆去
江醇醪十盞五盞健鯽一雙兩雙歸路城門欲闔山寺烟鐘已
撞

溪山好處亭消寒第二集

冬溫地氣升路滑汗霑肉撒爐賦消寒奔走活僵僕盡開六扇
窗又對一湖綠波爲瀾爲淪梅若菜若菽俯仰皆可憐何賞爲
我獨北山園再新東鄰宅三鬻主人知誰何而我嘗不速浮觴
愜素心誦選有白足時梅根持所作詩見示明月瀉中庭坐暖一方玉望
夕當更來前後客仍六

感事自和前韻

我無聲色娛不辨絲竹肉吟詩殊不佳韓蘇所奴僕閒祇好出游對花浮蟻綠雖有五男兒誰解謀半菽歲暮日斜時愁坐書空獨時提卅年裘去效五羊鬻婚嫁復鼎來逼迫如火速坐此損道心因之裹游足譬彼饑渴人强奉以珠玉佳月方當頭且翫十五六

袁氏子起鳳幼盲於目以彈詞奉母三十年聞其自縊死詩以哀之

兒盲不能養兒口幸能唱兒唱乃得瘖無食傷母心歲寒忽呼母盎中有糧否母言兒不唱我死屬誰葬安得白米堆飛入家中來盲聽默無言是夜梁自懸阿母槌牀哭急召諸伯叔檢點盲所棲但有牀帳褥諸父謂阿母兒唱得錢厚何至三十年死

日一無有乃換阿母寢白金四十餅載啟阿母牀青錢萬萬藏
諸父大傷悲兒何負阿母逼迫至今日何以慰衰朽持金市美
棺將錢買吉地是出兒口來還送兒身瘞前年城西人兒病臥
不起憂兒不得生先兒自縊死今年見其兒已自曳絛綺千金
日呼盧百金夜宿妓父鬼方呼冤兒樂乃未已此父與此母兩
兩遙相望不慈迫兒縊慈復爲兒亡我欲起盲兒爲我唱此辭
寄言父母心慎勿生熾歎

望日三集湖亭雪作還止再次前韻

身瘦衣裘豐如璧好殺肉

釋文讀如字

行行肩不勝願脫衣吾僕忍

寒復不能步想春草綠平明稷雪飛打瓦若撒菽嘉客有夙招
買醉不肯獨觀魚先眾來得魚趁未鬻巖巖忽遽興清景去何
速茲辰雪未成昨者月看足傳觴爲引滿手若握暖玉逍遙隨

地佳安用館築六

雪後簡梅根

爲憶濱湖寺今宵詠雪僧折梅供古佛
瀕茗炷孤燈山近風欺屋詩成硯有冰
來朝應寄我呵凍和還能

書笠澤叢書後

一卷叢書冰雪清躬耕意只爲逃名賦
昔憶菊吾能辦卻欠先生屋并楹

廿一日消寒第四集分賦得鷗

鳬鴛鷺雁鷓鴣鸛鷺白鷺或蒼鷺若鷗也滅沒浩蕩湖中央
鷺好風鷗好雨冠鳬蔽天不可數淘河漫晝覓食苦鷺若鷗也
可狎不可侮西風浩浩波漫漫湖亭雪霽來消寒眼中數點白
如雪知有真閒不我說我今緘愁強自歡五日十日湖之千鷺

鷺鷥雁如等閒愛爾饑飽情不關問爾饑飽果不關有魚落口
餐不餐

廿四日消寒第五集與子卿補之兄自一角山房步至
三昧庵

朝光晃眼霧纔蘇溪驚鵲鵲泛滿湖碧宇倒含波面活青鞵輒
藉草根枯幾人扶杖平橋外一幅寒林蕭寺圖知否鄉園行樂
地廿年我卻未曾孤

生白酒

短水標新望開生索價廉宵長聊借暖戶小不嫌甜醉喜顏能
駐斟愁手易黏清空杯一色斜照月如鉞蕪湖酒店每冬月必
以紅紙揭其望日短
水生酒江淮則
書某日開生

凍豆腐

一夕朔風響堅凝水玉膏皴如皴石骨鬆類發峯糕峯糕見王

志有竅湯全孕為羹筍或芼直須贊三德為爾卻腥臊

醃菜

改席潔杯盤冬鑿出酒闌剝蕉心最美鏘頰齒為寒糝稱花零

亂儲須日暴乾經春味尤俊微帶一分酸俗以細切為花

蝦米

白小蔬曾當紅蝦米是名春經雲確熟幻本稻花生脯與鮑同

腊見急就篇注材宜薺作羹巢湖撈便得不似種香杭

炭塹

炭塹見宋謠獸炭之遺教吳楚任器為圓楕以形貌吾鄉制作

精團結堅若膠擣屑成墳壚和汁襍酒醪鐵范規四圍百打不

停敲須臾忽盪脫良壁黦淖淖明月蝕未蘇墨雲又籠罩嚴冬

風颭颭邨店出稍稍麩炭火易灰栗薪濕多爆一九熱地爐紅
日驚我覺案溫研冰開窗暖檐雀鬧時聽石鉦鳴閒有宣栗炮
辰燒及申燼晷刻宛相較倘欲遺核留俗以燒及大半爲核但撥深灰窖
夜坐更可親一任犬吠豹

前年於宋觀察銘署齋獲觀馬和之二南圖真跡匆遽
未盡審視寒窗追憶僅能仿佛其二三冊因衍爲五字
詩三首希他日再見爲足成之

關雎分三圖乃於一幅併界畫在卽離雲樹爲掩映河洲聚圓
沙流波綠且淨王雎相和鳴不作凡鳥性后妃德幽閒流荇不
忘敬僮僮而祁祁妝匪漢唐靚敷坐臨河洲想見君子聖其左
琴瑟張鐘鼓亦端正二人并鼓之色喜若相慶三年見幾忘仿
佛補篇詠傳箋徒紛綸卽此是毛鄭

樛木大蔽牛交柯輒千萬葛藟復疊之有若瓜引蔓糾纏上細
枝屈曲不稍遠一一原可尋筆筆雙鉤健瓊琚而玉佩下立貌
恭慈卽木卽妃心覽物興繾綣和風一吹揚萋萋者誰怨

一母將三雛嬌憨小可愛茅苜擷衽閒回顧正相對似憐兒不
前意欲負之背大者趨且及跳舞喜難耐次亦來玲竊繫絡項
猶戴唯穉最可人約生纔及睟肌膚冰雪如玉面桃花頰是時
風俗淳龐也晝不吠女貌頗娟妍定是士人妃正恐多男兒尙
復有弟妹寒窗一追思宛若我旁在

十二月初九日溪山好處亭消寒第六集同子卿作

先向王家後馬家城陰路熟不愁又溪山好處亭新葺楊柳叢
中戶慣搥七日再來因六集今年冬景似春華窗晴盡卷筠簾
坐爐徹毋煩栗炭加喜見沙鷗波浩蕩惜無魚艇舫鷗鴉茗甌

棋局分曹睹梵夾詩篇任客誇深綠幾叢諸葛菜淺紅一樹美人茶
籬頭罨栗微吹管屋角枇杷細糝花潘陸眾方戀槐柳湖洞我意只兼葭
袁安門外惟填雪焦子廬名恰稱瓜偶與諸君共杯酒劇憐無地話桑麻
莫辭後會更番醉赴壑修蛇要共遮
十日集何慨生憶宅因同馬千之傷周最峯德隆王子卿澤程香谷家祥家兄補之游興國庵歸飲慨生草堂

四首

幽人隔溪居邀我饒殘臘曲巷開草堂朋簪於此盃椅几光鑒人滑淨明勝蠟倒映畫圖書一一可響搗茶罷思微行蕭寺訪孤衲出門面乍寒耳後風颯颯

望望招提遙行行寒且忍枯枝柳欲稀斷橋水猶引扣關古佛迎面人笑至矧老稚亦欣然延客過闌楯煮茗薦冬螯風味勝

燒荀但怪客何閒不知歲華隕

殘陽忽滿地歸鴉飛一天復此草堂坐盤饌羅甘鮮黃雞帶新
糟白魚加餠煎胡桃棗栗梨一一飭豆羹怪此肴核豐不類山
人筵引杯欲浮君我醉先陶然

初更遽辭去呼渡河之干重裘肌尙栗念此渡子寒賈船狎恰
排歸夢應已殘打槳便登岸霜風動微瀾城門闔未遂月照長
街寬題詩恐疥壁歸且挑燈看

頭風

不是愈無檄多因責少文散誰一字合骨欲五峯分立若屋常
矮瘥如酒過醺那堪霜雪滿蒙被臥斜曛

歲暮十詠效范石湖臘月邨田樂府體

有序

石湖采田家語得歲暮十事各賦一詩以識土風

錢家

蕪湖五世矣閒取歲暮可詠者亦得十事非欲爭勝前
賢蓋畧寓勸諷之意云爾

掃塵

纔交三九未四九街頭已賣掃塵帚溫樓煥室垂流蘇何處飛
塵到窗牖可憐貧家太偪仄煙薰屋梁如漆黑蒙首反面掃益
多年年無奈飛塵何我爲吉語君試聽明年掃塵定應勝西風
吹倒庾元規只上琵琶不生甑

糊窗

初冬糊窗紙易破小兒弄筆墨重沅掃卻烟煤復再糊明月白
映三更初一爐活火紅似玉生酒甘酸醃菜熟微吟憶昨歸來
路郵店更深投宿處圭竇新糊滿屋春熒熒燈火寒可親模糊
顛倒若有字郵學生墓上大人

蒸年飯

暴婢澆浙竈下忙浮浮深甑豐年香欲熟未熟長腰長攤之風
地冰雪光除夕奉先眾始嘗食至穀旦爲吉祥大家百斛猶不
足小家升斗珍如玉百斛升斗笑足論但願積穀高於門大家
小家風雪裏歲歲不愁年飯米

發檄

豬頭爛熟夜未央銅盤難燭爐炷香斗米插科縣鏡光芳尊桂
酒三獻觴朱衣綠緣金龍驤發檄道士來伏章上自通明殿上
之玉皇下自田頭廟裏之五猖雲車風馬雜沓紛回翔都來饗
此嘉薦芳主人拜禱道士起前導雙鑼鳴不已口呼手擊百鬼
逃徧索庖廚及牀第少安須臾開財門磔雞漚血淋酒尊搥金
爆竹然火盆一家喜氣烘朝暎索室毆疫周禮存以發檄名何

無根取此義豈通鬼神土風久遠誰堪論

燒年紙

火盆張王中堂皇膈膈膊柏子香三牲酒醴肥甘芳籠燈列
炬紛兩行主人跪前子婦後暗祝無聲各在口南走交廣北幽
燕利市三倍多得錢大兒科第若摘髭小兒力田多逢年更願
主妻賢不妨買妾兼得百束布區區牲醴辦亦易準擬明年拜
神賜徹筵焚帛奠酒漿紙灰飛舞檐風狂一聲爆竹神已送主
人醉飽酣入夢

安樂菜

五辛盤昔供新春易名安樂除夕陳胡蘆菹紅腐乾白細剉芹
筍千絲勻屑薑糝鹽錯襍燭亦有人家呼八寶今年安樂勝去
年明年更比今年好豬羊濁臘雞魚腥老夫愛此風味清尋常

咄嗟亦可辨况專節物稱嘉名燈前兒女炙爭噉饒我誰向陶
盤內人生安樂慎勿忘願爾年年啖此菜

壓歲錢

華堂貼地鋪氍毹青紅炫眼羣兒趨
年壓歲錢互送青銅鏹
鏹衣襪重硯童竈妾紛滿前紙包三寸糊且堅得錢商榷作何
用卻崇新年博場闌南鄰有客昔著華當頭今少重茅遮築臺
避債不可避那有餘錢兒壓歲

接竈

在昔汴京傳故事醉司命當臘廿四如何有送卻無迎吾鄉除
夕此禮行分歲酒闌來接竈淨掃庖廚熱紙爆城中總總十萬
家何人可替明神勞脆飴粉餌香且甘騎旌放悲靈歸龕善降
百祥不善殃謔口底畏三彭三

封門

除夕之夜三更纔滿城爆竹轟春雷家家封門向門拜炷香燒
紙臨官街此門一閉萬事了坐待明年明日曉親知問遺絕不
通一年利市君毋擾東家索逋方嫂罵雖有雙扉封未暇旁人
借問罵者誰昨日綺羅紈袴兒百金買笑千金擲如水年華去
不惜父母嘆恨妻孥愁今夜歸來歸不得債家出門兒入門父
母切齒聲且吞草草關門偷睡去明年負債還如故

贈鼠嫁

守歲女兒聚深夜插花餅餌贈鼠嫁高拋牀頂祝鼠知今日狸
奴且休怕河閒姹女工數錢汝齒窈窕驚我眠得非有女在汝
穴安得此聲畧無別世人嫁女重錢刀白玉條脫金步搖傾困
倒廩不稱意賣却良田換珠翠兒今贈嫁何太廉區區得不畏

鼠嫌兒云贈嫁何足數要祈生女嘗如鼠

立春日消寒七集效香山何處春先到五首

何處春先到江干八角亭霜空征雁度帆下旅人醒揚子千堆雪匡廬九疊屏歸舟此時泊風浪幸平甯

何處春先到山頭一覽亭五更烟未泮萬瓦窈誰醒湖拭青銅鏡江橫素紙屏寺僧寒未起檐鐸語丁甯

何處春先到城東窻日亭鞭春門夜啟送喜鵲朝醒屬吏趨衙鼓歌筵擁肉屏那知寒到邨阜帽正如甯

何處春先到吳波舊有亭勝遊當日事買醉幾人醒想像存詩

卷描摹上畫屏如何一池水曾浣阮懷甯

吳波亭舊在西湖池旁有明阮大鍼別業

今并廢往尚有阮氏子孫收其房絹

何處春先到溪山好處亭客如鷗鳥狎狂似次公醒聽雪依長

檻題詩刻短屏辛盤簇生菜百福一壺甯

是日嘗福橘酒

廿四日先大夫先宜人影前泣賦

父母棄我去三十有八年
瞽瞍杳不聞顏貌亦邈然
歲時賴影存敬謹中堂懸
奉觴思上壽欲語無由緣
諸兒未及見無感於目前
幼者自嬉笑長者畧致虔
邇知我心哀脈脈不得宣
生兒望名成名成親沒焉
貢米僅爲身盤饌徒甘鮮
曾見口一匙曾見饗一籩
依然飽兒孫冷落香爐烟
我家從祖父九十齒牙堅
家居不扶杖日出猶安眠
兒孫紛滿目樂事天倫全
我獨何罪辜不孝終此天
惟餘影上顏不變如其先
始知懼衰老終勝長棄捐
再拜奠酒漿忍淚燒紙錢

芟梅

山房八本梅夾道兩行植
高柯夏敷陰相交密如織
低枝蘊其

下屈曲頗畏偏雨露不霑濡枯死若荆棘及冬鼓嚴飈摩盪勁
有力落我好花枝摧殘乃家賊我時翫前楹斧斫呼童亟槎枒
棄如遺橫斜始自得本非連理枝安有交讓德君子與小人此
通彼卽塞况復相混淆幾不辨白黑賢奸一襍處何以申黜陟
所以古帝舜詢咨先竄殛敬告御史臺邪枉曷彈劾

胡孝婦

縣有孝婦許夫胡孝廉上京應進士舉翁病醫藥不能愈婦代
夫割股一割股泣向天兒肉不足食願翁少延少延待夫還朝
進股肉日莫翁霍然二孝廉歸自京師翁喜且悲執手語孝廉
兒歸幾不見兒婦真難爲三翁起樂鄉里康彊二十年乃先孝
廉死四孝廉選池州校官孝婦悲翁死無以承歡時時泣且言
孝廉旋亦卒於官五去年孝婦六十一而歿子子孫孫哭詣鄉

先生徧徵孝婦文或存或不存曷請於朝旌其門永慰地

下魂

六解

歲暮

歲暮何人暇寒家境獨清閒從內子語看引外孫行晚飯烹雙
鯽卮醪盡一觥休言無長物詩卷正縱橫

豐齋集卷十四

當塗 黃鉞 左田

古今體詩六十首

戊午
己未

戊午元旦獨坐

自掃書堂自詠詩
家人爛漫倦難支
不因兒女青紅換
一樣門庭冷落時

衝寒犯雪走逋翁
孤卻梅花貼骨紅
直待今朝開笑口
忙閒只判一宵中

二日賀正途中作

休辭觸霧肩輿早
卻勝趨風手板前
布襪青鞋思往歲
兄先弟後賀新年
校量已覺吾過分
富貴何當命在天
饑食寒衣如願了
未須負郭要閒田

往六安渡江入裕溪口

十年慣作三春別千里頻爲獨客行宿雨放晴隄樹綠南風徑
渡浪花輕非貪安穩勞紆曲曾爲閒游受惡驚多謝江神拭明
鏡垂憐應亦鑒微情

上巳日渡黃陂湖

去年七月渡此湖時久不雨湖水枯菰蒲冒淺一尺餘萬萬白
鷺來窺魚今年渡湖纔上巳春水迷漫大江似揚帆風日甚暄
和遙指廬江眼前是今年去年將毋同老夫借鑒當青銅綠波
白髮已如許浮雲柳絮猶西東臨風扣舷發長嘯湖上羣山迎
我笑君家亦有萬頃湖曷不同舟去垂釣

舟抵廬江值雨不得登岸

逆風行舟順風住舍舟登陸雨如注奴僕嘆恨我大笑順逆陰

晴非我故天公要宜麥與秧出非其時適當遇譬如前夜雨連
明昨日黃陂湖未渡卽今安穩繫柳陰猶勝淋漓浣韉袴參差
綠水鳴一羣雪白棠梨花幾樹家居日日戀湖山且當春游未
歸去卻愁就道鎮匆匆又將穀雨花期悞

晚霽舟中偶成

溼雲解駁日光明乾鵲橋竿作好聲笑我滯留掩卷坐看人次
第挂帆行久知驟雨不終日始信人間重晚晴卻恐朝來泥沒
輶輿丁未免壓肩頰

廬江登陸道中作

平路白波秧水足迸芽黃用稻包開鶉鵲聲裏肩輿過生怕崇
朝雨又來

亂山荒蔚水縱橫滑滑泥深不可行我與僕夫若相友駕犁翻

土事春耕

豌豆花開蝴蝶飛
小桃紅謝綠初肥
牧兒睡熟斜陽下
鴉趁烏犍背上歸

三月七日再到六安書院有花竹齋

路近休輿早堂空待日斜
冬青凋舊葉月季豔新花
自掃當門網教除篆壁
蝸巡檐如社燕睇罷又成家

城南夏氏書舍看繡毬花

羅浮山下梅花片
吹落千邨萬邨徧
東君一夜團作毬
拋向君家小庭院
小庭方丈不可堆
騰空復幻冰花開
我行花下膚生粟
若有春雪當頭來
步欄對翫一時久
今歲花期良不負
爲語主人須好看
莫遣顛風撞玉斗

月季花

東坡詩注世謂此玫瑰花

山館石闌東
玫瑰花一叢
鈴鐺如欲語
綽約不勝風
豔絕月初
上吟孤酒
易中誰將
紅粉隊來
試白頭翁

立夏遣悶

竹翠侵書幌
花紅落酒杯
感時驚立夏
釀雨欲迎梅
甚熟來黃
鳥庭荒生
綠苔塵容
日憔悴搔
首重低徊
歸雲猶未
落日已簾
鉤客久便
孤詠山深
憚獨遊揚
雲空好古
王粲屢登
樓老去愁
何益時乎
不可留

客散

客散戶初闔
檐昏星尙稀
晚風忽東至
歸鳥必西飛
叢竹孤燈
映虛窗一榻
依誰言非老
宿但未著僧
衣

聽客談水晶庵之勝欲往

近州多野寺
佳境在西南
客有曾遊者
聞來就我談
擬乘竹兜

子徑到水晶庵避暑過三伏題詩寄一龕

竹密

竹密仍求種花稀更炷香殘鶯娛客枕初日下西牆思臘遊山
屐誰攜古錦囊閒房太牢落何處覓滄浪

米盡戲題

米盡齋廚鼠亦亡枵然頗稱腹如囊平生剩讀淮南訓檢點曾
無辟穀方

黃烈婦

烈婦姓楊氏六安黃

裳裔繼室也

裳裔以縣丞試用湖

北教匪之亂上官檄辦荊州軍需以勞卒烈婦聞之卽

日自經

吾宗有烈婦殉節在荆門夫以賢勞死身胡涕淚存桂持猶喘

息江漢各聲吞丹旆歸來日清詞慰旅魂

四月廿一日雨

林寂鳥無聲瓦響雨有力須與檐溜通點淡窗雲黑攬衣涼意
侵隱几飛點偏已欣除鬱蒸兼可慰無食我來夏欲半需澤今
始值荷鉏愧不能勸耕非所職竊聞民訛言畏有竄入賊裏壯
表自堅風雷浪潛息帶犢乃澆風未煩號令亟快茲三寸膏活
此六安國

食紫豆葉甚甘滑徵其狀爾雅蔞蔞露也移種庭院
竝爲此詩

杏葉肥經雨萼絲滑溜匙徵材煩雅學移種當園蔞籬落尋常
蔓瓊珠大小垂燕支原自好惜不駐顏衰

本草綱目亦
名胡燕支

命酒二篇

命酒不能醉煩懷何日開三閒有花竹千里少樓臺厭入帶牛俗誰爲化蜀才楚氛聞已靖好待雁飛回

賈誼治安策劉蕡下第文非徒長太息祇是欲忠君直道古如此斯人今尙聞科名偶然耳底用附青雲

喻生

心芬

讀書龍穴山致山泉一瓶卽張又新所稱第

十泉也詩以報之

喻君讀書龍穴山遠致龍淵水一斛倒寫餅罍戒勿傾怕有驪珠孕寒玉是淵張公之所家絳紗鑿戰驅蟲沙至今浙篋尙浮出龍宮豈亦炊胡麻

往有管箕浮出水上

美哉此水一泓碧萬井霑濡曾

不惜一杯灌溉到小生未免爲霖損涓滴手傾石銚親候湯潑茶危坐始敢嘗滌泉沆碭畧仿佛竹風蕭颯生清涼又新次第本不經深江何處求中泠我送此詩君試讀宵分定有老龍聽

雨中臥病

時轉應敬敷書院聘

漫浪閒愁不可支，
鵲醒都付枕中緘。
疎簾清簟臥聽雨，
酒醒魚肥病忍饒。
時有以惠泉酒醉鰣魚遠餉者
事類量移留代替身，
如匏繫合空嵌。
三日不食
會須倚杖迎江寺，
極目長風送遠帆。

舒城道中

紛紛鷺鷥開陂塘，
疊疊青山映夕陽。
孤負當年李檢法，
淡烟疏柳寫山莊。

中丞夫子謝雨散福招集菜根香次韻

藜莧饑腸習已堪，
濫餐靈享福旁覃。
龍山北望猶披帽，
鶴柴西偏暫脫簪。
特啓園扉通竹轎，
旋看林翠溼茶籃。
醉歸鼓腹書堂坐，
又聽笙鐘萬谷酣。
晚復大雨

金葉山仿東坡危危日晝貓

嘉慶三年秋九月廿一日其日逢危危畫貓仿坡筆坡肯以墨

爲元豐歲在四

集韻讀若悉

卑服伺青蛙虎文而白質相傳可辟鼠

不言所自出

東坡畫於元豐四年六月九日自題云相傳危危日畫貓可以辟鼠畫歸錢侍郎

載

題詩曾挂室未審擇石軒今日爲藏佚湖山小雨晴偶就葉山
述欣然爲背臨淺色神愈溢卷歸嚇真貓瞥見已逃逸卻恐嬾
游堂夜半雷瓦疾

悼梅根

我欲冠無本人皆惜蔡京空餘詩一帙已證石三生經閣芳塵
積庵門夜月清掃豪題墓碣老淚落縱橫

九蓮洞

在繁昌一名張磯山

朋遊三華山路訪九蓮洞山樓勢嵌空風磴陟躡踵古佛身半
苔老僧衲全縫旁龜竊窈窕珠冠聳金鳳云爲張祖姑時有毗

薦貢洞門寬容人夏簟涼可寧其深造未能有几榻是供

洞中

几石榻今不可入

息慵養腰脚偷闌笑僕從惜哉江流遠不得欄檻弄

汀洲互掩重風帆飀飛送行當壯觀疊暖覺衣裘重輝輝陽氣
浮去去步姑縱

十月廿四日舟過楊家沙謝潛齋導游三華山同人繪

圖分韻

鉞得冠半二字

招客游皖城拏舟繼江岸南風忽見留吹客不令散已申洲渚
言復動巖壑翫三華翠撲人一葦江共亂孤危髻高撐娟若童
未冠霜林抱經樓斑駁錦衣爛入門韻清瑤脩竹不可算徘徊
翫壁畫令我憶可粲

寺僧舍光能詩畫今靈石亭尙存墨竹

齋廚炊午烟山僧設食案對茲秀可餐既飽行且歎吾生行有
涯開歲百年半買山苦無資周何欲難斷思學愚公愚真成漫

郎漫斜陽遽催歸好景形屢換合并近頗難茲游足佳觀同舟
語葉山吹燈寫行看

羅刹磯

惡風白浪倉黃過斜日輕帆子細看海嶽硯山饒洞壑永嘉江
嶼壯波瀾讀書臺久成蘭若乞食僧唯棹雪寒大艣我舸飛鳥
疾何人此地辦漁竿

池州江上乘雪帆風至大通

天耶水耶空復空我乘空氣游其中不知此身化何物襍揉雪
汁相和融輕蘿不動寒無風帆槳詎敢貪天功與波上下聲影
息此時呼吸蛟龍通圍爐命酒生暖熱驚雁飛鳬互明滅雲中
九子應笑人篷上十年重載雪

已亥訪慶觀察
玉歸曾此遇雪

微茫暑辨荷葉

洲須與雪止帆亦收前來繫船在何處但見疏林作瓊樹

風雪阻舟銅陵胭脂夾三日

最厭風帆之字行船如甯器滿將傾長年忽打回帆鼓依舊寒江鏡面平

黃蘆斫盡剩枯荻猶有饑鳥啄雪來我亦江湖休倦翮歲寒專爲哺雛回

夜雪書懷

雨雪竟十日溪亭嬾一游不關無酒伴猶怯阻風舟歲已崢嶸暮梅應爛漫休寒燈閉門早散帙夜窗幽

龍鍾四十九漫說抱孫遲博得樽前笑難堪鏡裏絲衰慵愁作客身世盡於詩婚嫁成何事名山肯後期

寄少民郡城

昨朝兩兄至說汝小除歸試席硯應凍寒窗火必微經書如日

月文字借光輝守歲還相待趨庭慎莫違

除夕

是日立春

婆娑子夜傾尊醉狼藉辛盤滿屋春卉載何曾扁戶坐來朝已
是杖家人劇憐兒輩催吾老未辦溪山置此身祭罷詩篇商甲
乙自排卷帙起壬辰

己未元旦

爆竹出行罷聽雞待旦遲重糴除夜燭細改去年詩繞膝兒爭
拜過頭杖好持盆梅得春氣紅萼漸紛披

四日自先墓歸途中口占

雪霽陂塘寒水綠日高松檜曉烟清田夫未起柴關閉我已肩
輿十里行

一日復二日二首寄荅太宰夫子

一日復一日齷齪憂饑寒遭逢 堯舜世胡爲不之官况奉先
生召而乃久盤桓共歎已卽誅顛夭復幾冠雖無雞犬效敢忘
歌伐檀可憐信天翁翹首湖之干由來五十年未肯求魚餐饑
寒縱弗恤誰禁妻孥歎捨挈兩不可此心將焉安踟躕搔白首
花落春風殘

一日復一日但覺衰白增七年作山長所至多良朋諸生相因
依千里常擔簦披吟夜繼日大勝閒倖丞主者苟有意可令文
教興不知移之民果有此效能我昨官戶曹畫諾公堂升五曹
經不通度支知何曾旅進而旅退誰解相攘扔鳬短鶴則長易
之悲填膺卽令勉從仕闌冗何以勝疏慵甘自棄賢儁方同登
錦幪駑駘懼鞭策難驤騰

雨中牡丹

稱得雪屏繡幕遮阿嬌金屋貯非奢最宜暖藹蘭膏熱叵耐空
濛穀雨斜絳雪嫌山消沈瀝瓊珠碧解擁朝霞嬌紅柔綠知多
少除卻禮姿不是花

青餠飯

俗稱烏飯

法本登真祕今惟浴佛供青精名自好烏飯俗姑從炊藉松烟
熟蒸成菰米濃鬢絲如可黑輒嚼便衰慵

雨集湖亭貽爰園二十四韻

山雨千絲暗湖波百畝寬
淅淅霏隔樹澌澌漲平瀾
傾蓋看新綠安瓶供牡丹
綢青書帶澗粉白繡毬團
聽鳥傷春暮懷人惜
夢殘百年才鼎鼎一別竟漫漫
謂冬邨春園感歎交游少因衰學道
難無端傳逸翰相促理征鞍
巢鳥殊懷越池蛙不羨官醫師
收馬敦安邑致豬肝豈暇稽
生嬾誰憐范叔寒鶯花聊慰藉
亭館

暫盤桓剩有青門侶同歆白髮冠殷勤筵燭燼勸勉酒杯乾勿
翳深林葉須回大海瀾

聖人方側席上將正登壇出納資司庾趨蹌好握蘭窮愁無藥
療歲月有時殫仁聽顏爲汗徐思鼻更酸纏綿絲自縛宛轉糞
推丸詎敢排雲叫終難吸露餐虛名真畫餅至樂只漁竿此去
如捫籥輸君獨考槃休忘風浪急蓑笠待江干

感事

禍福由來召有門雷霆擊物敢稱冤老穉入室熙甯亂輒生
兒天寶昏豈有明神猶誕降大都妖孽偶游魂稷狐社鼠紛逃
匿六幕清明奉泰元

題施廣文

履祥

遺集

憶就戴崇學君猶及老成爲吟先子句具見古人情

廣文從先
侍御身戴

孟岑先生游猶記
先大人樓字韻詩

學舍如舟小山城入夏清如何隔年別還爾

昧平生

剩有遺編在誰令阿買書何妨襍蠅蚓猶勝注蟲魚投老羶難
暖思歸俸少餘長吟對江水脈脈獨愁余

君居裕溪無
子以姪爲後

櫻桃樹下

巖山甜雪宵凝酥鮫絲搓碧懸瓊珠江斐漢女弄不得黃鸝一
笑紅模糊迴廊晝靜天宇碧照水流霞射瑤席蕙蘭花老牡丹
殘濃注歌脣向誰惜綠衣暖謝玫瑰甕

容

珊瑚血凍琥珀濃可
憐南風新入夏無數疏星露林鐸

有感

池上柴關晝不開深林鳥嘯勝歌臺不應百舌黃鸝隊偏有烏
鳶聒耳來

繁花落盡草如烟夏始春餘四月天蒼耳未深叢棘短青青也
自賺人憐

立秋日送楊

培曾

歸六安

楊君送我行獨命千里駕我行未有期君別胡爲乍記君渡江
來梅炎初藻夏君今辭我歸黃姑已專夜是日濡滯不自知轉
惜征鞍跨我豈有所須我豈爲誰嚇稷卨方盈廷良樂正執鞭
何戈力未堪度支考書下公然偷太倉見人得毋怕以此久慚
惡意欲老桑柘前年客淮南去歲棲江舍情爲成連移行迫列
子嫁浮生能幾何救死不自暇君來佐清歡君去誰慰藉念君
好兄弟書牀梓陰兩新涼入征櫓風燈互低亞三冬讀有餘一
戰定可霸蕭蕭竹幾窠潭潭屋五架悠悠我之思冉冉君裝卸
爲我語故人鬢髮已全化

買舟江上阻風暫歸留示

初民兄弟

嘉慶四年冬子月月之望買舟徂京師阻風大江上已發行復
歸暫與妻孥傷衰疾重別離數月懷不暢艱苦成此行鬱轡心
愴恨我有終身憂親柩殯未葬五男娶其長仲叔期已曠食指
百四十甌石誰見餉仕果療貧乎愁心實難放念我年廿三出
門游甚壯胡為老將至瑟縮反無狀自是意氣頽豈敢託高尙
思彼古之人曠達齊得喪敗絮擁亦佳不作泣相向緘愁酷一
壺共祝行無恙醉吟付諸兒且當驪歌唱

琉璃河

曉起掀帷耐雪寒琉璃河上一憑闌鴛鴦好在頭應白禁得征
人七度看

已未除夕與王孝廉

澤

吳駕部

兆樞

守歲準提庵次孝

廉舊寢軒韻四首

旅居忘却在京華對酒高歌三親家
歲憶開花下
燕謂孝廉看

雲怯上雪中車

謂駕部

一彈指頃新年到再寫圖成舊寢加醉把

茅庵當池館疏林依約水之涯

不須吉語帖黏楹三宿難忘桑下情
佛屋經寮陳迹在山門石

徑昔遊更蔚藍天昨瞻

雲日蟣蝨臣蒙記姓名

廿三日蒙召對養心

殿在藩邸卽知汝

更荷

溫綸詢住址微禽猶戀舊巢鳴

問汝到

京寓何處臣鉞對暫寓僧舍

尙遲手板下風趨且倒屠蘇酒一壺
客底親情良不惡眼前風

景易爲墓重來寢更慵聽鑰遁去心
原怕濫竽骨相虞翻知太

薄散人只合在江湖

移銚細撥火爐開佳茗清甘勝醪
四海競傳

虛席詔諸君

誰是出羣才
兵消喜見天
顏溢雪霽
春從地角回
說與千湖
詩酒伴放懷
好共醉江梅

蘆齋集卷十五

富塗黃鉞左田

古今體詩五十七首

盡庚申一年

題張

若采

同年清溪別意圖卽送之官鎮番

七年聚散類搏沙京輦重逢感鬢華惜別追圖牛女夕居貧久
悉馬卿家籌邊上策先論將按部行春要種花好待蒲桃新釀
熟西風涼迎碧油車

三月十五日南苑迎

駕歸宿北紅門外農家口號

茅檐乍見杏花苞三月餘寒色未嬌歇馬煎茶靜相對不孤春
意只今朝

新畬地瘠種須灰活水春融綠似醅我本頭銜屬民部願克使
耆稻田來

野闊宵深萬籟通一株楊柳一株風不須懸馬枯筭已覺帆
飛急雨中

過草橋乾隆甲午修禊處時曹員外祝齡適屬錢補圖

感而作此

小橋不改水粼粼依舊西山筆可皴不信卅年一俯仰羊劉俱

作白頭人

爾時曹年廿七
錢年廿四

車過清泛園亭臺布置迥非昔游

淺水菰蒲一尺強香茅亭子水中央而今一例青紅潤不是當年舊酒場

喜雨歌次司農夫子韻

香山賀雨歌短歌以詩爲諫鳴元和我

皇德動上天鑒蛟龍不敢蟠泥沙昨宵風雲一時會太液萬頃

軒新波重勞

天步事祈報頌且恐後規則那司農元老率先作臚陳
渥澤如星羅滌瑕蕩垢疏不失詔獄悉本人情科書生狂愚效忠直
手削尺牘千言多少見多怪一笑釋竝不知馬安知駝十行
手詔特曠蕩萬里涕淚應滂沱同官偏善竊私喜白圭此日還
君嗟皋夔賡唱互感泣鼓舞草木皆婆娑赦過宥罪雷雨解此
理至切非私阿天瓢更請再傾倒玉壺準備斟金犧

望雨歌再次前韻

天蟻夜出蚯蚓歌地氣已動陰陽和一句不雨土又燥千車所
碾風揚沙坐後雲豕渡銀漢卻見月兔舒金波越有大旱記小
正古亦重請知無那刑鵠下策重違俗燒燕五百誰教羅神龍
按部想未到自近而遠聊殊科昨朝有客鄉國至今春好雨江

南多麥秋已至禾已插枯藉所積高埋駝我雖無田聽亦樂全家况在江之沱仰天高歌動星斗玉女一粲流光嗟來朝不辭冒雨入泥浣韡袴行婆娑南齋潑茗靜相對飛霽四注傾松阿右壇大報百神饗

天顏喜溢流山犧

題周忠介公畫蘭竹

畫作於天啓二年穀雨前自題云古墨濃磨寫竹蘭幽姿澹絕染毫

難最嫌脂粉滿塵市不爲逢時畫牡丹

濃寫孤筠澹寫蘭自憐幽絕入時難那知穀雨春猶好已把茄花當牡丹

後喜雨歌三次前韻

僕夫滙行唱且歌九衢一再娛甘和車帷閉置偶罇漏濺面時復驚泥沙三農萬井滿慰望挽犁趨澤呼天波專與根荄仰膏

潤淋漓枝葉低阿那幽風縮本我能畫瓜壺茅屋胸中羅牆根
老桑遠宜伐門前穉柳濃須科九秋讎斂行可必一雨樂事何
其多况聞西師大擊賊尅日載實馳歸駝消洗戰恤刮刀劍蕩
滌穢惡蘇潛沲須知醞釀自誠懇點滴玉粒麈牙嗟我隸農官
十餘載鬢髮早已形婆娑杜陵糧粒或自保亦願歸種青山阿
溝中之材已自棄青黃不稱爲尊犧

五日憶昔遊

荆山大小排青螺歐湖一碧明鏡磨游船客舫棄不顧孤此十
頃琉璃波去年端陽泛舟入雲水空濛拍天溼苔花繡壁翠模
糊鷗鷺驚人雪飄集筆牀茶竈置船頭賦詩作畫揚清謳兩山
之間閣篙舫與波不競相夷猶仙舄化去題名剝五百年來無
此樂想像紅亭枕水心參差碧浪排山腳

國初尙有朱氏歸
園見蕭尺木詩集歸

途燈火河橋暮咫尺珠簾隔烟霧脆管哀絲懔恍來翠眉蟬鬢
依稀遇由來喧靜不相干照眼花枝轉眼殘已分心腸如木石
不將蚊聚換沙搏一從隔歲來京輦紅塵日踏東華輦下直閒
房記昨游驚心節物懷難遣蹉跎五十鬢鬢蒼剝有湖山夢不
忘卻笑韓公愛高爵不教張籍守江鄉

五日章戶部

運標

邀食子鵞戲作

節物隨地殊鄉味因俗好端陽古烹鵞刑鵞阿誰導于湖此風
盛餽養在啄菹十戶九有籠陂塘逞頑傲至日盡殺之不暇留
警盜章君舉鄉風湯燂相慰勞一任江淹貪不學庾悅嫪我飽
更有懷當筵發悔懊冰鱖胡蒜烹銀鱖紅莧芼蒲酒醉氤氲榴
花洗昏眊蕪湖五日俗以榴花置杯中洗目而棄之道謂之送火眼爲君數家珍何物致
行竈驚乎倘有知得毋怨陵墓在遠獨不遺此因胡爲造一笑

日當頭我僕車已膏揮手賦老饕請以不殺報

文信國琴圖次司農夫子韻

並序

琴藏閩縣李瓊宴家王明府

紹蘭

攜其圖來京師信國

自題云松風一榻雨瀟瀟萬里封疆不寂寥獨坐瑤琴
遺世慮君恩猶恐壯懷消時景炎元年蒙恩遣問召入
夜宿青原寺感懷之作譜於琴中識之文山按公以德
祐二年奉旨詣北軍議和爲伯顏所拘脅之北行至京
口遁走真州歷揚州高郵泰通復遵海而南至台溫危
急存亡在於呼吸公所賦十六難詩可見也夏五月益
王登極福安改元景炎以觀文殿學士侍讀召赴行在
琴所識蒙恩遣問召入者蓋指是時也第公自德祐二
年正月至夏五改元實未嘗歸江西明年丁丑五月始

引兵自梅嶺出復吉贛諸縣臨洪袁瑞皆響應則元年
不應有夜宿青原之事公集亦無此詩指南集杜諸錄
皆公手著當可據也然忠臣手澤爲世愛傳不敢遽以
爲贗謹疏其事如此以待博雅考證云

眞州夜走哨角哀商聲激裂隳三台十生九死航海免囊琴何
處從公來景炎夏五赴特召偃蹇閩嶠思規恢宜中世傑不專
壹空坑失利長城摧是時斯琴落誰手愛護焦尾離焚災黃龍
海底抱赤日白晝壁上轟春雷回頭蕭寺寫風雨怒濤駭浪紛
喧喧憶公少年盛聲伎貶損斷自初掄魁樂人之樂死人事從
容柴市無徬徨廣陵雖絕碧玉軫畫圖猶播黃金臺絲履玉帶
不我見對此亦欲陳尊罍能邀丞相一撫弄偉哉此木眞奇才

漫興二首

人澤烏臺簡家橫玉帳經乃心捫果赤死骨色猶青聚米夫何
易流言不可聽喧啾紛蜚蜚掃蕩待風霆

孺子師黃石山人著白衣談仙翰大畧辟穀避危機豈有如魚
契翻思控鶴飛天都足官府恐被上真譏

直歸遇雨柬趙孝廉

萬隆

墨雲黧慘雷砰絳雨點欲碎玻璃窗車帷閉置目無見泥塗軒
輶波翻江依稀出城石磴確隱約入市人喧虩尋常三刻已到
舍今乃百里凌崕峴跼趺閉目偶存想看雨何必搖吳艤紗窗
竹簾轎中坐草鞋箬帽雙丁扛雲山滿眼學高米雨氣著草芬
蘭芷溪堂有客隱烏几邨醪爲我傾雞缸長街洗淨白石滑往
往歸路疎鐘撞蹢躅下車再三嘆忘憂耽樂何其憊方今西南
正殺賊壯士冒雨揮矛鏖蟲蛆生背蟣生甲模糊血刃汗塵幢

西清囊筆有餘幸
盾鼻磨墨將毋懽
牀牀屋漏睡不穩
起親几硯燒油缸
不文不武仁義蝨
急投手板歸耕耰
東田咫尺約吾友
野航一繫垂楊椿

趙別字東田

中元夜雨

的的高燈大道傍
光明爭澈九幽藏
願將億萬青蓮朵
燃向西

南照國殤

京師中元夜采蒿一枝上綴香數十百枝插於通街謂之高鐙江南中元結盂蘭會者以紙爲荷燈浮於

江河動以數百盞

夜起

夢驚白雨點狂灑
窗不歇醒聞鄰櫓聲
身浸一牀月秋霖
出入愁宵眠亦餒飢
涼颼引徐徐漸欲侵
肌骨推枕聽雞鳴
目送天河沒驅車入
泥塗何時免輻輳

東田見和前篇遽有浩然之志因呈此作

胸無太元口無鳳牢愁不復揚雲夢記事無心更覓珠益智誰
人解貽糲行年五十精銷亡壯不如人老焉用惟餘歸興比山
濃叵耐羈懷與詩闕達官苦語最厭聽客子窮途暫交慟君年
舞勺美且都已才有才名過屈宋隱霧時窺赤豹斑排雲會見天
門玃那知踰蹕三十年猶遲春官領鄉貢鴻前磨後五色章翦
翎卻向籠中送我亦捉將官裏來入袋胡孫如入甕舉案頻懷
庶下光避兄真學於陵仲眼前諸子共我長邨上嬌孫何日弄
捐佩思從楚客游伐檀不待詩人諷久甘紉布老于家誰耐輕
肥日縻俸許身稷契大有人放歸田里猶能種君須雖白顏未
衰時清正要王褒頌鸛雛嚇鼠彼何知健鶻陵空拳易中得意
終看一日花勸君且忍三冬凍前言戲耳約姑徐秋月當頭飲
須痛莫嫌會面素心稀人三自古文爲眾

謂子卿

宋人畫盧仝煮茶圖

五竿翠竹疏有風閒厠三本芭蕉紅玉川攢眉手團扇茶鼎卓
立山玲瓏一奴擷衣提一器一婢捧盞旁鞠躬長須赤腳老無
齒一一貌取韓詩工惜乎不畫李花一兩樹照我明月茅屋東
意思慘淡神未克得毋軍校驚周公石鼎乍沸蚓竅通茶香詩
興交相攻發爲月蝕蝨賊訐添丁之讖終何凶可憐蟣蝨臣盧
仝黃金鑄淚陳孤忠少無往還歌異同老而治經究始終突如
灰如真寢寢試吟樓上女兒曲豈是煎茶禿鬢翁

朱孝女

漢陽孝女朱謂是徽國文公族及笄父歿母病篤女日夕不離
側曰我手母手足母足奈何母獨不仁何以報我獨解母起兒
起母眠兒眠與母同一身寒暑十數年母歸黃泉不得見兒惟

不嫁日夕從影前

解二

兄弟不能奪親戚不相聞至今三十年惟

有畫史傳其真左椿右萱永慕存吁嗟孝女終其身

解三

凡今之

人父喪有不歸母病猶倚闥謂彼非丈夫亦誦詩而讀書嗚呼

曷不視此孝女朱

解四

九月四日司農夫子招游極樂寺

人都將一歲出郭始今晨遠挹西山翠濃如北苑皴風驅車得
得橋送水鱗鱗共指招提近平原有憩輪

高樹擁山門沙田茁稻孫登渠泉一綫窟室菊千盆古塔人爭

上殘碑薛獨捫

重修寺碑嚴分宜爲暨太監作

西風催落日選地布芳尊

小亭纔似笠林密葉周遮柿認千頭橘楓當四面花窗虛便坐

客石穩待煎茶只欠欄干外澂泓水一涯

送東田歸當塗

公車方與計吏偕先生翻然歸去來覓官紛紛走折趾先生掉
頭輒掩耳問胡欲歸急如此茅屋青山寢魂裏先生薄有田幾
塍到家樂事言頗能烏溪木棉載晴雪黃池藕粉凝秋冰今年
水大圩未破晚禾猶可收黃稷呼兒斲酒與共嘗仰屋高歌屬
誰和我與先生生同庚鉞與東田俱庚午生髮白難與流光爭以詩慰留
留忽行觸我無限鄉思縈兒婿未畢孫又生卻恨無屋編柴荆
若可家食貧亦清況有兒子詩書聲人生何必希公卿立冬五
日冬已成敗葉雨墮堆前楹柴車夜半隨鴻征正我入直趨巖
更車中行行定相笑彼不歸者非人情

九月廿六日五鼓大雪人直

天上清高冷不禁飛雲一夜玉階淡不知犯曉誰先到已有瓊
瑤跡可尋

馬遠園亭雪霽

森森千丈松曲曲數間屋一亭四方高上戴三寸玉濃墨畫窗
楞縱橫界碁局想見製作精采桷甚樸屬中有向火人頭裹巾
一幅凌兢蹲小僮縮項寒可掬不知何客來騎馬尾一僕琴酒
兩無將何以慰邁軸得毋山之阿梅花正芬馥我初展畫時寒
色炫兩目心疑馬欽山筆墨差彷彿山根得遠名雙鉤畧可讀
儼如捫題名尙帶苔薛綠移我鄉園情玩雪湖山曲一角山房
中圍爐郝曾促

謂馬千之宅

易元吉子母戲貓圖

小時變畜貓頗有張搏癖以物觸其雛使之自騰擲於今老去
心猶童買魚聘取蕭齋中堆綿榻絮軟無骨齡嬾几榻肥而豐
朝來看畫開古幃畫耶真耶倩誰定女貓毛色白勝雪舌舐么

雛偎繡凳其右一雄尾直豎屈爪招雛雛仰顧一雛卑伏母凳
空白質豹文闌然露其餘三貓頭聚頭一黑二白若有求諦觀
黑者銜蜥易跂跂脈脈猶張眸翳濛衣桁羅襦香鼎彝玉案爛
有光秦姬趙艷渺何所恩雲籠雨留閒房紅椒膩壁錦貼地那
有跳梁鼠敢至玉白朱砂逃守宮卻被狸奴暗相伺可憐蝸寄
清如此釋畫看貓亦猶是唯防竊齧一牀書仗此雙雛捕鼠子
物情少好皆可娛意氣所到天機趨寄言忠恕休輕詆義甫人
貓不可呼

讀畫

胸中無限溪山好眼底何人說與知散直歸來寒欲暮吹燈隱
几獨題詩

李杜文章萬丈光宋元名繪畧相當休憑摸絹知時代補綴朱

繇便弄藏

山色蒼茫樹影濃梅花老衲氣沈雄後來三昧爲誰得只有南

湖白石翁

五年七見山樵蹟此老於吾信有緣爭似雅宜山色好流雲溼

翠特新鮮

向見王子蒙友鹿林泉勝集二圖皆絕佳今又見其

幀山齋圖爲陳惟寅作筆墨尤出此六幀上

五州烟雨不模糊海嶽庵圖跡有無便是化工無定相卻於何

處著鉤摹

向見米黻文海嶽庵圖紙已剝落今五州烟雨卷紙經斬新詢可寶也

鐵榦高松互攫拏欽山宗派自傳家須知畫法通書法界畫渾

如錐畫沙

衡山著意摹希遠赤壁圖成迴軼羣卻笑世人多耳鑒強將細

沈配粗文

趙伯駒後赤壁圖卷爲嚴介溪豪奪衡山爲摹此本見卷後休承跋俗有粗文細沈之評其實衡山究以

工筆見
長也

花鳥精神數陸治陳淳不施膠粉妙而真兩君若要論優劣林

壑包山更絕倫

六如高格殊高古皴法分明是李唐伯仲之間視文沈眼中未

必有周耶畫家以居士曾學於周臣今觀東邨筆殆不如也

鶻突皴山密點苔強摹董巨洞容臺豈知濃古清蒼筆轉自歌

姬院裏來周傑園讀畫錄謂香光晚年倦於酬應客有求其真蹟者納絹素於其姬妾輩得之必大佳

南田花鳥接黃徐閒寫雲林筆亦殊庸史乞靈惟賸稿紛紛依

樣畫壺盧

尺木前身老畫師家山一一貌幽姿可憐亂後荒寒甚但對梅

花畫楚詞蕭尺木初生時其父癯郭忠恕曰吾當為爾子蕭畫有太平四十景離騷圖所居曰梅築在今蕪湖縣東

門內

三王合卷贈巢民蕭散虛和學富春頃見秋山紅樹本廐州似

有捉刀人

三王合筆贈巢民卷藏歛吳子華處頃見廐州秋山紅樹及撫趙文敏諸本密緻可愛絕似石谷不類

筆合卷

骨重神寒天廟器司農畫品足方之山紅潤碧紛無數想見南

齋吮筆時

水郭江邨境絕清千巖萬壑翠崢嶸耕煙倚入停雲坐定使前

賢畏後生

王涯書畫初遭厄覆轍流傳到賈叢寄語癡兒莫豪奪雲烟過

眼豈能緘

平生愛畫似劉侯千軸江山貯兩眸客若縱觀無不可爲君一

細追求

夜坐簡子卿

簾額新蛾畫碧空煎茶火活夜燈紅溫經未肯煩裴迪刮目憑
誰待呂蒙應舉昔曾蕭寺共棄官今已雪泥同沈吟正爾爲君
故努力看花我欲東

爲朱

錫庚

同年追題竹君夫子椒花吟舫圖次石君夫

子韻

我年二十勤清修先生挈之京華游青山一賦首擊節拔置高
等空其儔那知九舉始一第青萍出匣亾風歐東軒載拜東坡
逝滄桑變滅誰能籌揭來涪幡亦霜鬢願歸山谷騎石牛披圖
吟舫昔曾侍雲烟過眼何飄悠藏書插架三萬軸西東四列如
羅羞椒聊吐芬味清烈合歡筵影枝交樛艸元載酒說許鄭花
紅布席筌崇邱手開泥封自斟酌點滴不許奚奴偷千觚萬榼
判賢聖欲以醒醉觀蘭猶爾時列坐孰先後一一按畫猶堪求

少河家學堂構背壁茨不用工重鳩題詩述舊感且泣此卷天地應長留

次韻驛柳四首

縹烟織霧幾番晴鞍背船脣到處迎消遣驪駒多少恨招來黃鳥兩三聲怕聽羌笛秋橫月愛趁餽煎曉入城翠掃成樓題字滅頽垣不辨是何營

憶看新綠染春衣臥水枯槎條十圍巨耐風波維艇住甯甘攀折贈人歸濃陰日午便休暘狂絮天空得暢飛移種靈和應不願魚標酒望儘依依

滿橋回首隔殘陽萬樹迷離失故鄉向夕頻驚邊堠火未秋已隕塞門霜
塞條歌送新婚別繫馬人來古戰場枝葉可憐髡欲盡翠鬢雨淚不成行

婀娜何須說鳳州亭長亭短總含愁門前蕭灑慚陶令江上羈
棲憶柳侯爲閑人多常畜眼自憐影瘦每臨流書堂亦有陰淡
護搖落西風又九秋

憶大兄時兄有入都之意

潭潭古屋四三層童僕羣依隔院燈歇馬真如投店客聽雞又
作打包僧溪山有癡忙都減文酒無緣醉不勝聞道吾兄動游
興擬裁布被待姜肱

臘八粥

古臘無定辰禪家日用八循名若相蒙疏義偶加察因緣始六
師法水去垢圻其徒作粥供故事沿古刹流傳到士夫至日恣
飲嚼紅糟與朱砂僧癡而俗黠黃梁秔間拏紫葍薏先拔棗栗
胡桃仁前期皮盡刮氤氲一鎗熟釀若髓慙懶旣實中藏虛兼

便衰齒齷今晨飮天廚澆沃胃神猾將毋詫寒酸何處得甘滑
恍忽記年時模糊釜頻戛一笑謝譏嘲捫腹命筆札

歲莫雜感再次子卿舊寢軒韻

又對辛盤紀歲華天寒獨客苦思家都將兒女團團寢盡付冰
霜轆轤車書報平安疑未信愁來努力飯難加百年便是中人
壽五十流光漸有涯

近市租人屋幾楹十年仕宦久無情守株待兔忘三窟起舞聞
雞失五更分與漁樵尋活計悔於書畫未逃名劇憐一別貧難
逐卻把窮愁付阿鳴

心醉神巫競走趨笑他禦寇枉師壺意珠自繫從人指心板如
初儘客摹

元許衡語

頗解山林慣飢餓肯將文史換笙竽得歸卽拜

君王賜敢效知章乞鑑湖

蕪湖縣西有湖亦名鏡湖

裴几唐花爛漫開
暫將懷抱托邨醅
謝公雅負蒼生望
管子羣推天下才
身後功名憑位置
眼前風景且低回
山茨水檻都堪憶
況有湖邊八本梅